

老人權益中心

2005年6月13日出席立法會福利事務委員會會議

百萬退休老人 貢獻社會一生 臨老醫食有憂 捱足一世為乜？

「解點你地係香港捱左咁多年，乜都無？」

「我個管家退休後返大陸養老，有屋有錢安穩地生活，點解你們唔返大陸養老呢？」

去年立法會選舉後，我們曾經會見立法會內某工商界議員，提出香港有很多貧窮老人晚年無依，希望政府訂立「全民退休保障計劃」，但他卻好像不食人間煙火似的反問我們！

「到底係邊個造成香港今日咁嚴重的貧窮懸殊？又係邊個令幾十萬老人臨老醫食有憂？」係政府！政府政策一直縱容老闆階層長期壓低工資，剝削低下階層市民，另一方面不斷逃避為工人制訂全民退休保障計劃，令老人貧窮問題越來越嚴重。

點解我們係香港捱足咁多年，乜都無？

我馮容今年已經 91 歲，係香港做到 82 歲(1996 年)才退休，但退休後生活，根本甚麼保障都無！究竟香港政府及大財團為工人退休後，生活的保障有做過甚麼？我 31 歲隻身從大陸來到香港，憑這雙手賺錢吃飯，從割草、泥工、牛皮廠、織造廠，每月工資只得幾十元，捱到 60 歲(1984 年)，我透過薦人館介紹到加多利山高尚住宅區打住家工，每月工資只有 700 元，做到 75 歲(1990 年)才有 3000 元，每天由早上六點做到晚上十二點，又無假期。顧主借要裝修為理由炒我，我自己追到勞工處，才掙回十幾年的長期服務金 3 萬蚊！

工人憑雙手賺錢吃飯，醫食住行樣樣開支，但僱主剝削，人工低微，物價飆升，何來多餘錢為退休生活作打算呢？我的故事，只是眾多邊緣老人的一個生活處境。香港繁榮我有份，我希望有全民退保障，唔使等綜援左扣右扣，真正可以在香港安享晚年！

點解長者唔返大陸養老呢？

「百萬退休老人，貢獻社會一生，臨老醫食有憂，捱足一世為乜？」是我們這群邊緣老人的心聲。如果我們係那位工商界議員的管家，有足夠退休金養老，或者都會有機會選擇返大陸買樓養老。在香港捱足幾十年，我們付出了青春、血汗，發了財團和商家。但係人又老，錢又無，身體又唔好，好多老人都係長期病患者，返大陸住，醫療開支比食飯問題更嚴重。我們反對醫療加費，反對藥物收費，政府唔好忘恩負義，要照顧老人，不單要有「全民退休保障」，仲要有「醫療/住屋」政策配套。現時的強積金根本解決不了大部份低下層市民的退休問題；綜援金連續兩年左削右削，令十八萬綜援老人毫無安全感；對於全港二十萬只領取生果金的貧困長者而言，「安享晚年」不過是一句口號吧！

我們所屬的「老人權益中心」，是一個關注及爭取基層及邊緣老人權益的自助互助組織，我們一直希望以行動直接參與，影響及改善老人社會福利政策。我們重申：

- 1) 要求政府立刻推行全民退休保障計劃，徹底解決香港的老年貧窮問題；
- 2) 要求政府為長者提供免費的醫療服務，保障長者的健康以安享晚年。